

Lää'kk

sää'mlää'jj muttâz tuejjummšest

Ee'ttik-kää'dd tu'mmstõõgg meâldlânji
muu'tet sää'mlää'jj (253/1995) 49-51 da 63 §, nâkkmen go tõiŋ liä 49, 51 da 63 § lää'jjest 83/2014, puõttinalla:

49 §

Vaal-lu'vddkää'dd tu'mmstõõggâst läittmõš

Ooudâst 48 § 2 momee'ntest miârktum ooumaž vuäžž äännad muttâz vaal-lu'vddkää'dd tu'mmstõ'kke lääitee'l Tâ'vv-Lää'ddjânnam vaaldšemvuõiggasa 30 peeiv mää'ttest tõ'st, gu vaal puådõs lij õlmstõttum, tõiŋ vuâdald, što tu'mmstõk neu'rrad suu vuõiggâdvuõdes le'be lij šõddâm vâagglaž jiärgâst le'be lij muđoi lää'jjvuâsttsaž. Jee'res pie'kkin mu'ttemoocmõžžâst suâvldet, mõi'd vuõiggâdvuõttjäättmõžžâst vaaldšemaššin uvddum lää'jjest (808 /2019) šiotteet.

50 §

Tu'mmstõõggâst teädtummuš da teättânouddmõš

Nuõrttsä'mmla kiõččât vuäžžam siidsábbar le'be sää'msuâvtõõzz tu'mmstõõggâst le'be vaal puådõžžâst teäđ tâ'l, gu tu'mmstõõgg le'be vaal puådõžž se'st õđ'nni pá'rddke'rjivvâ'ldelm lij pijjum vuei'nnemnalla Aanar kää'ddest kâ'ddlää'jj (410/2015) 108 § meâldlânji da nuõrttsaa'mi ouddoummu konttrest. Tu'mmstõõgg da vaal puådõs vuei'tet láä'ssen õlmmeed še päi'kk-kää'ddest takainalla leävvnee ga'zeäa'test, jõs siidsábbar nu't tu'mmai. Tâ'l gu tu'mmstõk kuâskk tá'lk o'dinakai nuõrttsä'mmla, teättânouddmõžž kiõččât kuuitâg šõddâm, tâ'l gu tu'mmstõk lij tuõđštemnallšânji uvddum ää'sšvuä'msteeja teättân.

51 §

Siidsábbar da sää'msuâvtõõzz tu'mmstõõggâst läittmõš

Nuõrttsaa'mi siidsábbar da sää'msuâvtõõzz tu'mmstõ'kke vuäžž sää'mvuu'dest jâlste ei tiuddvâlddsâž nuõrttsä'mmlaž le'be suu pie'llkuei'mes le'be sää'msuâvtõõzz vuäzzlaž äännad muttâz lääitee'l Tâ'vv-Lää'ddjânnam vaaldšemvuõiggasa tõiŋ vuâdald, što tu'mmstõk lij šõddâm vâagglaž jiärgâst le'be lij muđoi lää'jjvuâsttsaž. Seämma vuõiggâdvuõtt lij tõ'st, koon vuõiggâdvuõđ tu'mmstõk neu'rrad.

Muttâz ij kuuitâg vuäžž äännad nâkam tu'mmstõ'kke, kää'tt âânŋ se'st ceâlkalm ve'rğgnekka, gõđi ij ceâlkalm čõđŋ ve'rğgneek.

Muttâz âlgg äännad 30 peeiv mää'ttest tu'mmstõõggâst teädtummšest. Jee'res pie'kkin mu'ttemoocmõ'sše suâvldet, mõi'd vuõiggâdvuõttjäättmõžžâst vaaldšemaššin uvddum lää'jjest (808/2019) šiotteet.

63 §

Mu'ttemooccmõš

Jie'llemvue'kk-, traffikk- da pirrõskõõskõõzz tu'mmstõ'kke äänat muttâz lääitee'l Tâ'vv-Lää'ddjânnam vaaldšemvuõiggsa.

Jee'res pie'kkin mu'ttemooccmõõžžâst vaaldšemsuudištma šiotteet vuõiggâdvuõttjâattmõõžžâst vaaldšemaa'sšin uvddum lää'jjest.

Tät lää'kk puätt viõ'kke oddee'jjmannu 19 peei'v 2021.

He'lsnest oddee'jjmannu 15 peei'v 2021

Tää'ssvää'ld Preside'ntt

Sauli Niinistö

Mädd- da meä'cctäällminister Jari Leppä